




制魔伏怪罡




朝天奏謁罡



召出仙靈官將罡




超凌三界罡步虛法




无上玄元三天玉堂大法宗旨卷之二十五

已上諸罡並諸法之祖有步無呪存心不
存法太平下教再傳禹步制五行修身伏
魔罡



三合罡



无上玄元三天玉堂大法宗旨卷之二十六

師旨直指品

初一

師曰玉堂乃天心祖法之內秘萬法之所
宗三界所仰自漢天師以來獨傳心印別
無雜術惟正而已正者不邪之謂歟天以
正而覆燾地以正而戴持烝以正而運行
鬼神以正而役使人以正心而正身心不
正則邪念生六欲起流為禽獸沉為鬼爽
在世不正身為姦邪為悖逆道暗不可入
真仙之闕域也今玉堂天教之出世原於
正一天師正則不邪一則不二嗣吾教者
有五等凡在世厭塵希真之士初入壇受
天心正法十卷本壇所傳者非本壇者不是正法行之三
年無輕師慢道之心無始勤終怠之念則
許再詞受初階七品行及無過進二品佩
玉壇正品印受高奔玉經行及一紀驗得
印非偏廢市井庸流及不是與堂皂隸刻
胥屠吏及非是官觀愚蠢竊食方許傳付
无上宗旨二十四品并三奔寶籙玉堂三
景之印玉景陞堂之印為嗣教支師支者

分派列流之謂也此傳不限名數但係有官君子儒墨俊士皆可佩持禁傳市井道流也今世道流多是無告因極四民不收始投名進納黃冠蓋非本心入道恐輕賤玄文遺失秘旨罪罰不赦已上係四等傳

度獨於第五等係的傳系代嗣師惟正傳一人付二十四禁典玉書付宣和斬邪劔降真制魔之印經三十年方許傳代今以初品初階傳度其文省其用簡人人皆可奉行亦可望詳於玉壇也登壇之日弟子肘步齋信誓詞雖官高位貴不得慢真侮道當九拜盟壇而受也從此佩玄旨不違師旨自此登神仙路入希夷之門也若或不遵此訓妄傳輕授則三官糾愆四司錄過天司示憲七祖受考於風刀已身充役於長夜萬懺不洗千真難贖在謹於傳付而已
夫行初品宗旨當日謹修習漸與世事相踈不得混同塵俗世人與道相作諸不難事久久戒行昭著當次第傳度也

夫行初品宗旨在服鬱儀結璘之悉惟勤於存運久而真炁灌注嗟呵成具不待容心而鬼神畏服矣既受法已畢當以大道為宗祖動心正念勿起邪心

夫行初品宗旨每旦習誦真經真咒齋作奏香默而存之不在出聲惟心相應不可以事奪而失其常規也

夫行初品宗旨遇有凶邪惡祟官民者當一準正教務在必行若有畏心及有諂心反求告於鬼神者是執心不專得罪至大

三官糾罰不赦不原

夫行初品宗旨當以正念役使天神將吏不得稍用血食以雜靈炁違者三官罰罪夫行初品宗旨當以三光為主蓋三光者天地之眼目陰陽之根本造化之宗祖當存心運真與帝真三景相混為一不惟制伏三界束縛魔靈則自己身有光明萬邪畏伏辟尸逐病得道長生以入仙真矣
夫行初品宗旨日存三光而服炁夜間存斗以步罡使身與神為一神與身同炁炁

混融方可為兩教之士矣

夫行初品宗旨當先行三八謝罪之法法

正一凡半月一節炁當出身中官將拜表存修如本法行之不急則身為無過之人始可言嗣宗教

夫行初品宗旨每日服三光符都匠符以俟感應

夫行初品宗旨戒在淫怒常以慈悲應世割已周人不得攻師伐本妬賢嫉能口是心非罷訟爭鬪素或有之截自今日改行率德常以一人我等究親遠財利去姦語寡色欲持齋戒為心也

夫行初品宗旨凡奏香時存五色炁自五臟出結為華蓋上通空玄官吏在空中彷彿瞻見如此則所奏易達也

夫行初品宗旨凡書符當入室存定捺筆成符閉息心呪不在作聲握固勃然有勿犯之色身正而正心靜而神應矣

夫行初品宗旨當以一真合道當離種種邊一切外物勿得手心見物莫生貪念當

思世事無常惟道長久當存一真則虛無當應一靈矣

夫行初品宗旨每出入當存天丁將吏功曹玉女左右羅列庶下邪不敢侵正系縱私動止存之如故

夫行初品宗旨夫婦當相見有時如每月十直庚申甲子本命三元三會朔望八節五臘當具寢思真常能各居敬如賓友則尤為至妙

夫行初品宗旨不得內蘊狡賊之心外示慈祥之態不得貪非己之物應管求當以義合得之違者許自省愆改行謝過不許重犯記之

夫行初品宗旨事父母以孝不以貪富易其心順奉常令喜悅一拂所親之意是謂不孝不孝罪大無所貸原

夫行初品宗旨父母歿當隨力精思祈告上帝拔度出幽上生天堂若父母不出幽陰自己仙功亦不能成就母忽夫行初品宗旨兄弟宗族外親遠戚待以

和好不許各黨其一而生事生嗔怨以失骨肉之恩違者三界鬼神不伏役使謹之夫行初品宗旨當行規矩準繩之內存心一有不合宜事隨心改正期與聖賢比肩不可自卑常萌妄作之心天司檢察三官

糾勅風刀立至切宜戒謹
朝真誦帝品

師曰小兆凡人也飲食男女其欲與人不異今乃得佩籙行法稱為法師或星冠霞裙欲信仙聖此心未寧一炁仍有亂淫愛觸穢軍幸膺腥當知若何可以謁上帝於虛無之表也苟無清明之法則不能感格反以招愆爾故曰雖有惡人齋戒沐浴亦可以事上帝此之謂也

且暮燒香訣

先以左足入戶勿得回顧回顧則致邪當一念寂然存左青龍右白虎前朱雀後玄武功曹玉女乘吾五臟五色之炁徑上三天當一舉思之更無滯碍覺身中煥煥然微暖是真炁合德也

有事祈請訣

此於常時數數點檢己身入靖默坐不思凡俗之事炁宇既定頂中虛闕有金樓玉殿有天尊金容坐其中久久存之覺真炁映頂門響內微熱此常時訣也有事之時亦如此存運己身恍然跪于天尊前默禱所祝之事萬無不應此宗師節文訓後學母曰初階此乃升堂入室妙訣也秘之母泄凡俗也

有齋醮時奏香

此當心無外思內無雜想只見目前皆是真光梵炁紫碧之炁彌滿前後一切不思直上十方香方方真炁下映與香煙接於炁中彷彿見無鞅真聖官君細雨密霧來降各方次至洞簾前見香成五色功曹符吏在空中已身恍如升上三天親見三清玉帝扣齒三十六通咽液九過然後依科行事
師曰初階入道性易流蕩則心疑不可示以繁文也於簡易中存觀妙在不言之表矣若能進品升玄自此而至嗣宗神仙不難學也

啓奏訣

凡啓奏治病行符先存上丹田元始中丹田道君下丹田老君次三官三真人並如已身先存下丹田老君與心中道君合而為一立在頂中如金殿中坐已身跪拜密奏所行之事立有感應

燒香訣

教主天君重言之以示初階人燒香之訣也

凡燒香並令烈火次多拾香入爐中謂之費香費者多也令煙炷猛一舉上達無留滯若香煙斷滅火力微渺不能超真達靈矣應拾香尚左手左手者淨手也右手親穢不可拾香也

入戶訣

凡立壇有戶在東南乃巽位地戶若靖中入戶則以靖門為戶舉步從此入先於巽上叩齒十二通心三拜右足先進左足隨之先存功曹使者四人龍虎君二人立左右又存滿室青黃白三色雲炁吹存香煙成五色存直上至金闕前次九拜或心拜亦得

叩齒訣

凡叩齒者是集真而集神凡人體炁散心炁耗真炁不應須用集之所以叩齒者擊動天門而神炁應故左叩為鳴天鐘右叩為擊天磬凡制伏驅降則用之至於雷門齒上四下四共八齒相叩謂之鳴法鼓法鼓者所以通真格上帝凡朝奏則用之上下三叩成二十四通謂之鳴法鼓者常當知此

指訣

凡指訣者所以通真制邪投將治事訣各不一訣有七百餘目今所用者不多四維八方自四指根逐節數共十二目以按十二辰於內又分出八卦七星九宮三台各主其所行之事又當約而言之惟中指中文為玉清訣側左為北帝訣又名大煞文此二訣總三界萬事宜換行之

書符訣

書符者惟要心定不思外事又要點記散形庶幾下筆時神不走炁不亂若對本念誦下筆成符眼動意隨心馳筆亂必不能感應須心與符一符與心俱取炁不必回顧吹炁不

在作聲下筆書符謂之自傳真神蓋言心定而端的也後品內亦言之甚詳今初階先宜知此

齋醮對越訣

齋醮中朝謁須按儀式及身與心混融常存見金闕於高高之上已身不覺在壇惟覺在九霄之上凡口誦心符之一切不顧如此則大有感格非止外儀也

捲簾符



飛符時呪曰

虛無空玄炁混玄元聚而無形散之可瞻一真不動舉目玄臺高萬無上至尊示靈恍惚有象金闕雀鬼右符朱書凡捲簾時存玉階金闕了在目前飛符化景誦呪合真然後捲簾也出入斗罡品

師曰此身凡身位卑與真相隔未能混融
幽顯則行尸走鬼之徒焉能通真耶夫斗
者萬法之樞紐隱顯之機誠感孚之間彼
靜而此動此作而彼應如形之有影如谷
之傳聲自然之應耳此玉堂玄妙非比其
他文具難行之書品目不多口訣簡易於

此可以降真光服元炁可以格帝真伏魔
神無施不可約而言之不出存運之妙也
師曰斗在天主張萬物代謝四時統運陰
陽降炁應人之身形通人之關竅注人之
五臟其妙無窮其功無盡用之者在乎誠
而已矣

戴履斗
凡戴履斗者頭上戴斗足下踏斗於驅邪
用之

呪曰
頭戴魁罡足履大光天帝命我祛逐不祥敢
有干犯攝赴魁罡



朝真斗
凡朝真戴而不履存罡火向前以過魔試

呪曰

七星煌煌頭戴天罡外邪遠遁去卻不祥乘
雲駕空上朝元皇



召將斗

凡召將履而不戴存罡火向前隨步起

呪曰

攝魁乘罡威鎮十方召神至攝鬼鬼亡三
界稽首吾為法王



存真斗

凡此出入起居動靜存真使真炁應而呼
召速當存七星常在已頭上使光映已身

呪曰

正炁周流七星罩頭表裏洞照光徹重樓尸
邪亡墜萬神衛周



卧斗

凡此於睡卧之際存七星在身使魂魄不
走萬炁歸宮則外邪不敢干試

呪曰

北斗靈靈魁覆身拘魂制魄夜卧安寧萬
神守舍炁蒸通神




合斗



升斗

凡兆有事祈真必先存斗為升天梯上接斗宮入斗口坐待報



制伏斗

飛身出斗上叩帝尊真炁合德下塞鬼神尸穢消散急急如律令



呪曰

飛罡合炁佩衣四斗威制六天戰除九醜天下兇邪伏死吾手天下鬼神隨吾口走魁罡左右斗柄隨身白炁混混靈光合形鬼神見我魄喪魂驚妖精見我化作微塵師曰行此品須是心寧炁一無外雜思盡力為之則大有異應也

无上玄元三天玉堂大法宗旨卷之二十六

无上玄元三天玉堂大法卷之二十七 劍二

升降二景品

師曰玉堂以高奔日月為宗祖相推以及人可以治病除邪養之自己可以通真致仙故高奔之法未易行必進品方能存受夫外者奔之義也降者及人及己之義也夫天地以日月為晝夜凡陰陽寒暑莫不由之變化故動天地感鬼神莫先乎此

且望服日月法此於月朔日出時自己面前相去九尺日有九芒內有五色光炁下注此口中入五臟透明

呪曰

唵縛日囉軍奴利娑訶日中五帝真炁速降穿腹入臟炁冲炁壯

即吸炁九口九咽覺腹內暖如此三度為

之行及一年炁壯神旺行符呪水報應自

然於月望月初出時面向月生月光然在白己面前相去九尺月有十芒內有五色光炁下注口中入五臟透明如月圓

呪曰

唵縛月囉發囉娑訶月中皇君五真夫人真